

牧齋初學集

六

牧齋初學集卷第九十二

外制二

都察院左都御史鄒元標投資政大

夫

制曰朕聞天下有道則鳳麟畢游其郊而君子在朝則猛鷲咸斂其毒故自古久安長治之世必有老成典刑之人骨鯁著于先朝壽考遺于累世聲色可以不動而朝廷爲之日尊敢告路朝誕敷休命具官鄒元標三朝遺直一代名儒當弱冠以登朝已許身而徇國一朝抗疏正君臣父子之倫九死投荒皆窮理盡性之日賜環滋久介石不移浮湛挾垣郎署之間身如傳舍歸休華門環堵之內望若斗山追我初元首先召用中外爲之相慶父老至于涕流望李邑之衣冠果有異于當世省唐介子圖像恍或疑其古人遂以貳卿擢爲執法孤忠一節固以彈肅雄班正色斂容亦可楷柱國論匪獨僉言之惟允蓋亦風聲之凜然乃以覃恩授具階錫之誥命於戲惟此中臺古爲峻秩包拯張昇之于有宋並號敢言顧佐黃紱之在宋朝咸稱不撓以

臺綱之類施秉棠議之喧呶朕欲正是國人爾尚庶幾前烈顧我舊德豈煩訓辭欽哉

妻吳氏加贈夫人

制曰夫婦之義比之君臣國家不忘耆舊之恩而室家亦有新故之感死生契闊良有同悲用以廣慈是爲知教其官某妻累贈淑人某氏璫璜叶則榛栗告虔佐夫子于盛年如旭日之始旦躬婦順于卒歲恒夙夜以視呈邈矣徽華悲哉淪逝人不如故在昔咸記遺簪之悲而義或勝恩朋友乃輟宿草之哭雖永逝之傷已往而偕老之說如新茲加贈爲夫人尚其淑靈服此休命

繼妻江氏加贈夫人

制曰忠義之臣蒙危難以徇國賢明之配茹艱貞以徇夫苦節以相成而令名以相報此鬼神之所佑相也而國家安得遺之具官某繼妻累贈淑人某氏歸于令人備著婦德當抗章嚴誼之日有問關從成之行享矣流人邈焉鬼國六年瘴癘初何意于生還廿載浮湛乃纏悲于死別吁其逝矣命之不猶臣猶有賜環則復之期

而婦終無翟弗以朝之日觀此恩波之浩蕩悼
彼下泉追惟放逐之顛危有如噩夢茲加贈焉
夫人於戲夫子既保全晚節而爾亦獲享有令
名風霜凜然何異偕老于白首管形不朽故知
無憾于黃墟不徒著貞順之名可以爲節義之
勸

繼妻高氏加封夫人

制曰人臣挺然孤忠白首一節蓋必有賢明之
助焉老而彌堅者士節也少而能敬者女德也
修女德以佐士節諱其尸之有齊季女斯所以
爲有家之美乎具官某繼妻累封淑人高氏識
明鏡鑑訓習休阿却丹華而不御黽勉盛年躬
澹泊以相成保全晚節衡門泌水甘偕隱以終
身宿火寒燈恍友賓之相對庶幾松栢之性說
而相成是以姜桂之風老而逾烈惟爾令德媲
我老成旋觀退食之委蛇彌見在御之靜好茲
加封爲夫人永綏福履服我訓辭尚繼采蘋之
詩以昭管彤之烈

祖璠先贈通議大夫刑部右侍郎加
贈資政大夫都察院左都御史

制曰節義之臣國之元氣國家之培植固必本
之累朝而家庭之養成蓋亦胎之百歲朕瞻懷
豐芑追念箕裘眷我蓋臣聿求祖德累贈具官
某乃具官某之祖父德無考額言成文章慷慨
有丈夫之風孝謹修長者之行仁心爲質昆蟲
亦荷其生全至德感通虎豹咸屏其搏噬親朋
待以舉火閭里薰而成風蔚矣詒謀施于孫子
孤忠一節大奮世德之光撲學素心不改先民
之質尚識遺風之自可無邁種之嘉是用贈具
階官於戲雄班峻秩進專席于在朝萊衣繡裳
退有事于家廟其將朕命詔于有神爾祖爾思
可以觀德時乃休哉

祖母歐陽氏加贈夫人

制曰宋制不云乎古之賢母稱于天下能教其
子此爲歐陽修之母言之也今吾錫命蓋臣及
其祖妣于稽其家世所謂以能教稱者至于今
未艾豈可誣哉累贈淑人歐陽氏乃具官某之
祖母祖風綿邈女範肅離事夫子則敬如賓友
治綏門則肅如朝典至其詒厥孫謀碑碑相詔
能使節義道德之士出于樞樞頭角之中豈亦

歐陽氏之遺教猶有存者與肆我追命正名小君傳之典冊于宋制亦有光焉不獨一家之盛事而已

父濟先贈通議大夫刑部右侍郎加贈資政大夫都察院左都御史

制曰賢才之生必有原本國有協氣必鬱蒸爲禎祥家有善人終濟發爲賢哲天之所助非人所爲余有寵章用昭誘勸累贈具官某乃具官某之父王介不琢金扣有聲百行渾圓洵健健之君子六德純備蓋藹藹之吉人正喪祭之禮于一家是亦爲政施任恤之愚于三黨惟恐人知嘉我蓋臣率繇遺訓守其樸學曰惟孝而惟忠惟此仁心誠不踐而不履用保世而滋大洵積善之有餘是用贈具階官於戲祀于瞽宗卿先生之可祭于社詔以追命卿大夫之有位于朝展如來止而來游庶幾有觀而有感

母羅氏加贈夫人

制曰蓋臣必移孝以爲忠賢母必教忠以爲孝道一而已蓋百世以爲師天之所爲殆十年而必復累贈淑人某氏乃具官某之母家惟舊德

範爲女師視躬一本于頌圖教子無逾于忠孝六年瘡痍初無憾于辭親數載丘園遂決計于偕隱在昔范氏之母徒慨想于齊名若彼介山之封猶感嘆于言祿惟爾母子之際藹有道德之風教誠炳然徽華已往風停樹靜空悲一命于下泉剝鉅痛仍長感孤生于萬里迨乎三朝慈遺之日乃霽九京追命之恩蔚矣生榮而死哀誠哉是母而是子茲加贈爲夫人於戲雕軒有煒不以易管彤之名懸罔追崇終能昭節義之報旋觀瀧岡之表何慙駟國之稱

巡撫天津備兵海防贊理征東兼理糧餉都察院右僉都御史李邦華授中憲大夫

制曰朕鎮撫疆圉規圖遼海控三方而建節鉞地利惟均當一面而刺咽喉天津尤要克厭疆場之難有安社稷之臣佇爾庸公聽余休命具官李邦華謀猷膚敏器縉純明早以循良擢居臺諫正繩糾駁柱國論于紛呶持斧巡行肅官常之類阨遭逢鈞黨淹抑家居志九折以不回才百鍊而愈老惟茲重遣實允師言當于戈鎮

塞之時單車就道受方隅倥偬之寄夙夜視師
推心束伍行陳之閒比于家人父子置身島嶼
風濤之內有如舟子長年凡其草昧以經營靡
不拮据而茶符節鎮伊始勞勩有聞乃以覃思
授具階於戲天津上應天文拱垣牆爲內屏下
臨溟渤控碣石爲外藩遠扼渝水鯨鯢之區近
通直沽芻粟之路以要害莫強之地付緩急有
用之才能釋股東顧之憂斯爲我北門之管嗣
有崇叙須爾告成欽哉

妻周氏加封恭人

制曰人臣僇力疆場豈暇顧其室家而婦人治
業寢門恒有資于軍旅肆我節鎮專有勞臣相
助有人朕所深念具官某妻封孺人某氏德成
柔順禮令文嘉勤育蓄以相夫宦成不替服布
荆而屏貴借隱彌堅居然女士之規雅有丈夫
之槩今爾夫既分勞節鉞而爾益黽勉機絲鈴
索肅然尚想向屏之記纖薄作苦猶餘碎積之
風茲加封爲恭人益勉閨內之勞用佐師中之
錫

父廷諫原任南京刑部浙江清吏司

署郎中事主事封中憲大夫巡撫天
津備兵海防贊理征東兼理糧餉都
察院右僉都御史

制曰人才之生多本家世苗裔堂構自古記之
若乃家庭之閒節目礪砢名行茂著志義蔚然
則豐芑之遺休而式穀之盛事也朕深嘆焉原
任具官某乃具官某之父孝友天性仁厚少成
余影無慚教人必本于律已脂膏不潤服官無
異于食貧白首爲郎皆隨牒以平進青袍舊物
終解組以言歸蓋爾子既有抗節之名而爾遂
罹鈞黨之禍丹鉛一室有父子之自爲相知風
雨中宵笑譜人之亦已太甚流言已息蹈道彌
高移孝教忠誥誡昭回于節鉞東修勵節風猷
炳著于箕裘惟此象賢用嘉燕翼是用封具階
官於戲建牙設旄爾方屬目于壯猷安車蒲輪
余尚興懷于耆舊尚其彊飯遲我乞言蔚矣令
名著于策命

母周氏贈恭人

制曰書不云乎若生子罔不在厥初生蓋胎教
若有使然而娠賢本之天性古之母師所以善

成其子豈獨以辟咎提海爲能事與贈孺人某氏乃具官某之母德比珩璜訓閑圖史嬪華宵奉井臼以如飴事彼嚴姑凜清溫而式度寢門寂若笑言不聞于鄰環珮穆然愠怒不形于色是生賢子似其母儀藹然麟趾之風本其仁厚肅矣羔羊之節似彼安貞宜其沒身休有華問茲加贈爲恭人抱文駟雕軒之感極彼窮塵慰白華朱萼之恩服茲寵命

繼母萬氏加封恭人

制曰朕遯觀漢事至翟母之育方進而知禮之所謂繼母如母也矧相夫勗子並有令名女士之徽慈可無褒與封孺人某氏乃具官某之繼母敬德不愆令儀有淑維筐及管恪修蘋藻之誠曳縞與綦力贊素絲之德至于辛勤而鬻子蓋尤篤摯于所生視無聞于一心祝有同于類我深慈茂著儀範滋章茲加封爲恭人尚齊繼履之名終迓雕軒之福

巡撫保定等府提督紫荊等關兼理海防軍務都察院右僉都御史張鳳翔授中憲大夫

制曰乃者從夷稽誅郊闕多壘朕既聞鼓鼙而思將帥士爭釋禮樂而構于戈瞻維畿甸之間兼控邊關之重烽火易達鎖鑰須人我有賢臣受茲重寄具官某器資拔傑風力肅明筮仕理官晉登選部楮柱流俗如止水之不波澄汰官邪若操刀而能割蔚有體望著于清卿出撫近畿屹爲重鎮內連三輔據河朔爲北門外控三關捍燕越之右臂以邊腹交并之地付緩急有用之材仗鉞受服副此臨軒之特遣建旗設旄分吾戎閫之深憂旋觀節鎮之勳敢復便蕃之錫乃以覃恩授具階於戲扼吭拊背無徒問故事于前朝倒馬飛務尤當警胡塵于近代相視矜要繕西關以轄東隅警服民夷壯近畿而威遠徵尚有資于捷伐豈無係于安危勉思令猷答此休命

父道情先贈中憲大夫太常寺卿加贈巡撫保定等府提督紫荊等關兼理海防軍務都察院右僉都御史階仍前

制曰先王崇獎孝義表厥宅里迄于後世猶有

崇臺梓楔之褒今吾蓋臣追命先世潛德弗耀而卒以發聞亦以佐吾崇獎之未逮也贈具官某乃具官某之父禮充物簡言炳身文孝弟力田躬親德行之教敬敏任恤家傳保受之風建壘以合鄉之子弟本六俗之聯師儒捐租以救歲之凶裁繇五家而及閭族是生今于教以義方羽可用以爲儀光自遠而有耀是用贈具階官於戲誠心質行生而爲德于鄉揭德振華歿而可祭于社是可徵博史壹行之傳不獨膺治朝三命之榮

母馮氏仍前贈

制曰今吾臣子推恩必始于前母蓋澤必流于自葉而祭必重于先河禮有本而典有彝亦所以著教也累贈恭人某氏乃具官某之嫡母贊度秉儀茂蕙蘭濯概盛克盡女官之教毫羹滄瀛無忘內則之勤胡不永年克昌厥後無子而有子邈矣梧捲手澤之恩因親以及親依然奩粉口脂之慕茲仍贈爲恭人於戲德無不報教必有初閔于長樂之思及爾漏泉之澤

繼母吳氏仍前贈

制曰序稱公子仁厚之德必本后妃逮下之賢本立而後道生自家可以刑國肆余慈罔視彼漆書累贈恭人某氏乃具官某之繼嫡母婉婉宜家順柔婉婉德代姑減算紀孝質於神明助施傾囊爲德徧於里黨恩勸需子愛有逾於所生辟呼爲師食不替於能教順能逮下和以致祥惟此纖履之深慈增華於圖史益知鼓琴之靜好叶德於閨房宜有令人鍾其餘慶茲仍贈爲恭人於戲美哉蓼蕭之什取其攸同展矣樛木之詩可爲風始

生母趙氏仍前贈

制曰天有法象恒垂須女之占易于妹歸尤著其姊之吉故家茂媛賢之德則國崇追命之文雖出曠儀亦應彝典累贈恭人某氏乃具官某之生母蘭儀式備蕙問身謝丹華協素風于閨闈動循環珮應扣氣于房幃肆微大國之詳允叶小星之德載露寵命用卹恩私追長樂之鼓鐘愴矣纏悲于下地攷孝慈之典罔殷然動念于終天歿者有知存者不匱茲仍贈爲恭人於戲母以子貴已徵禮經之文無忝所生尚

念詩人之義

巡撫廣西等處地方軍務都察院右

僉都御史何士晉投通議大夫

制曰朕臨遠節鉞錯置方隅蓋將極選一時之材用以張皇九牧之寄矧粵西一道僻在西南鎮撫之艱得人惟允具官某性資拔傑風力肅明擢在瑣闥綽有休譽當先帝之在潛邸值春官之有震驚發憤扣關奮諫言以奠安儲位孤忠去國在外藩而雅意本朝迨我初元召居卿寺以風猷之茂著遼節鎮于遐方蓋爾既宏才而粵又舊治吏民服習撫烏蠻黃洞以長子孫地利熟諳列三江八寨而爲門屏矧中朝授鉞之始正鬼方告急之時觀其慷慨以治行知能譚笑而戡亂乃以覃恩授具階於戲往代邑管之跡具在荒陬先臣藤峽之勛紀于國史至乃勅苗之近事多從西粵以會師竭爾忠誠著爲方略佇彼禡牙之日紆余拊髀之憂爾往欽哉無荒朕命

妻吳氏加封淑人

制曰爲吾才節之臣必有賢明之配勤勞既著

榮爵惟均國有常經亦以示教也具官某妻累封恭人某氏出自甲族歸于名儒門戶伶仃則茹荼偕苦服官黽勉而龜孺戒廉迨夕垣抗疏之時正闔門惶恐之日一朝放逐念門屏之蕭然數載栖遲喜室家之宛爾幸哉牽復及此寵光以我御窮永言旨畜于家食與子偕隱豈知翟第以來朝國既昭從爵之榮天亦厚勞人之報茲加封爲淑人予之石節蓋有待焉昭于管彤斯亦可矣

父其孝先贈中憲大夫太僕寺少卿加贈通議大夫巡撫廣西等處地方軍務都察院右僉都御史

制曰人之有福祉如有基而厚壙也基既浚矣壙亦如之故士有文明柔順蒙難于身而發聞于後者天道雖遠固可以量測也累贈具官某乃具官某之父寬然長者溫溫恭人孝友性純若珪璋之渾合中和氣備類桃李之不言遠閔孔多遭家不造事久而論始定身沒而志乃伸天不吾欺白日賁臨于幽室人誰無死丹書昭雪于下泉矧茲牙纛之煒煌兼以絲綸之重疊

種冥冥之德終能獲報於人間視夢夢之天誠亦何憾於造物蓋十年而必復信百世其可知是用贈具階官於戲惟我有臣惟爾有子求忠於孝蔚然青史之光資父事君逸矣先河之澤爾靈不昧尚服享之

前母黃氏加贈淑人

制曰士以拮据起家爲能婦以龜勉相夫爲德其或年德不配勞動有聞不贏其躬以昌其後朕尤盡焉傷之累贈恭人某氏乃具官某之前母秉是壺彝作其內治度身量腹躬操作以窮年宿火篝燈與壺鹽而并日命之不淑惜矣無年用啓右爾後人遂發聞於再世自古開國承家之事惟草昧爲艱難而先王先河後海之文在典祀爲殷重惟子愍罔念彼勞人茲加贈爲淑人匪徒爲泉壤之光亦以著閨門之勸

母錢氏加贈淑人

制曰古稱母師必云胎教非獨辟呬之相詔抑亦風氣之有傳爲我娠賢可無楊美累贈恭人某氏乃具官某之母生柔而并禮下肅而上慈當家門不造之時正相助惟艱之日漂搖風雨

進雞鳴如晦之箴龜勉晨昏爲卵翼自全之計高朗有丈夫之德嚴恪修女士之儀惟爾藐孤率繇慈訓夕垣奮筆緬然晝荻之遺規展告宣猷宛爾機絲之餘教雖風徽已沫於當日而儀法具存於後賢茲加贈爲淑人有命在天旋觀龍岡之表其則不遠永爲彤史之光

繼母吳氏加贈淑人

制曰烈婦之於家也忠臣之於國也皆奮不顧身以信其耿介者於方寸而已然而母著苦節子抱孤忠一室用以相成而千秋華爲盛事余有典冊宜亟著之累贈恭人某氏乃具官某之繼母仔肩壺彝式是嬪則誓白骨於泉壤不負所天撫黃口之孤童逾於已出付餘年於血淚之內九死而一生出遺孤於刀俎之中再世而一息迨子旣奮身於上第而爾遂畢命於下泉倘逝者之有知信下報而不愧於戲覽孤生伏闕之疏鬼神涕洟追夕郎扣關之章天日震動志身殉國固知其志義之激昂移孝作忠亦本於賢明之風屬茲加贈爲淑人於戲勸懲存乎百世忠節聚於一門褒敘死生厥有徵於故府

區明風烈庸有裨於王章

大理寺添註右少卿洪文衡授中憲大夫

制曰朕惟今日振鸞充廷皆皇祖之所以詒朕也然而人才實難推剝滋久起於梓漆之舊屹為棟棟之材誰其尸之我有人矣具官洪文衡學有淵源行無考類踐更郎署閱歷清華每懷憂國之心屢發矯時之論蓋嘗首陳國本之梗概不以主怒為嫌疑力折黨人之披猖不以官成而消阻後先流落抗論不棄取次登庸蹈道彌固越予嗣服佇爾起家瞻黃髮於三朝衣冠惟舊瞻白首之一節志氣幸新豈惟為廷尉之平抑且司邦家之直永言宿德需此明綸乃以覃恩授具階於戲惟祖宗豐芑之遺實東南竹箭之美以風簡著龜一世以霜稜枝柱本朝廷有奸回人爭避神羊於李絳政多闕遺朕將取人鏡於魏徵爾其念哉無荒朕命

妻程氏加贈恭人

制曰士君子風義篤厚其於室家龜勉死生契闊之故未嘗不愀然也人主其有以卹之具官

某妻累贈宜人某氏出自冠族歸於令人膏火清宵悵矣內言之猶在機絲永夜情哉中道之已捐惟君子之替履不遺故國家之絲綸有耀茲加贈為恭人用以昭管蒞之義不徒為宿草之光

繼妻汪氏贈恭人

制曰為吾砥節奉公之臣其於高華靡厚之思亦已薄矣故必有賢明之配攻苦而食淡者以仗助之具官某妻累封宜人某氏名家作配季女有齊以淑慎物其身省同惟月以勤勞佐其耦儼逾視星至於淪落之有年期於沒齒而無憾賜環如舊舉案已非茲加贈為恭人尚未貴於象臺以區明其風節

父蒙先贈奉政大夫南京工部屯田

清吏司郎中加贈中憲大夫大理寺

添註右少卿

制曰士有內行淳備不階咫尺之權勢而鄉里誦義無窮者斯其人已足述矣矧其後人用能衣被厥德以昌明於世累贈具官某乃具官某之父飭躬厲行陳義本仁事嚴父以承顏偃僕

有同乎俯仰養慈庭而竭力夢思無間於背護
薰其德而善良幾千人矣意其賢而尸祝以歲
計之里社就以質成無煩鑿鼓終訟于焉屏息
視彼丹書宜爾後賢載其遺德咸曰箕裘之滋
大惟其播穫之有聞是用贈具階官於乎高廷
尉之門人誰不勸贈比干之策天其有知

母程氏加贈恭人

制曰古之賢母所以稱爲母師者以其磨切道
義勗其子以古人之能事而不以熏灼動其心
也累封太宜人某氏乃具官某之母相夫以淑
慎爲儀育子以愛勞爲訓辛勤三世終身謝彼
丹華黽勉一生爲婦逾於白首內美純備修能
有聞至其教子以事君不惜違時而淹久浮湛
家食期偕隱以長終騰蹕興朝惟備官之是戒
以爾子體望滋茂知母氏徽範不忘茲加贈爲
恭人是可繼介山之封行且觀瀧岡之表

大理寺右少卿曹于汴授中憲大夫

制曰朕睠懷弘濟思見老成如重器之有河圖
以昭法象如佩物之有鴈珖以解嫌疑苟得其
人有益於國我有好爵申以訓辭具官曹于汴

明允篤誠正直忠厚早以民譽登於諫垣矩行
禮容庶幾還風俗之厚正繩直筆有以知朝廷
之尊屬國論之喧呶能危身而措枉道無可枉
歸不待年卒歲優游惟有讀書而譚道輟耕歎
息或以畏天而悲人茲予旁求爲朕強起既見
君子爰復綴於清班尚有典刑將每詢於黃髮
乃以覃恩授具階於戲若古有訓無競惟人挺
然孤忠人誰完節於白首蔚然難老天其慈遺
於本朝尚鑒余求助之心庶不負平生之學

妻侯氏加贈恭人

制曰詩不云乎刑於寡妻有道之士東修砥節
家人婦子之間有素風焉具官某妻封孺人某
氏備有壺則克配君子事上則榛栗告虔相夫
則壺鹽不厭少而御窮長而屏責環佩穆然閨
門化之徽華雖往儀範滋著茲加贈爲恭人自
家刑國庶有觀感不獨慰其死生而已

父希堯先贈徵仕郎刑科右給事中

加贈中憲大夫大理寺右少卿

制曰人才之生國之元氣天降時雨則山川效
其能國產賢人則家庭韞其美明德之世有開

必先自古記之子何疑者累贈具官某乃具官某之父修長者之行爲君子之儒言有物而行有恒入則孝而出則弟強學忠信士類望爲表儀中和祇庸閑里薰而顯化肆而有子爲我賢臣風教一稟於先民節義大光於天下如雲於嶽旋觀膚寸之興如水於河高識濫觴之自是用贈具階官於戲祀以仁者之粟爾其顧歆祭於馨宗之間人咸覲止終有聞於永世夫何愧於聞書

前母喬氏加贈恭人

制曰或委或原著於禮典報本反始誰昔而然今吾臣工追思前母渴澤泉壤朕何忍忘贈孺人某氏乃具官某之前母德稟柔明性惇淑茂孀於令族綽有懿風享命不延發祥有自毛裏雖隔孝思永存茲加贈爲恭人淑靈有知尚克享此

母張氏贈恭人

制曰古之母師學惟孟氏能教其子蔚爲儒宗吾有賢臣率繇慈訓是母是子趾美頌圖肆余寵嘉之累封太孺人某氏乃具官某之母婦道

可宗母儀茂著起家仁厚是生麟趾之賢教子義方不替羔羊之訓樞軸之範逮我名卿珣璜之風本諸賢母茲加贈爲恭人於戲爾子名德滋顯饋享用加昭於彤管追配騶國朕之策命亦有耿光哉

太常寺少卿鄭三俊授中憲大夫

制曰太常卿貳位任特隆歷代迄今謂之清選朕旁求俊乂克典神天蓋將妙簡禮樂之司所以增重廟廊之寄中我茲選莫非正人肆有覃恩可無書命具官鄭三俊性資拔傑風操端莊初以循良進於留署回翔守郡敷歷憲司不競不隸惟隨牒以平進所居所去皆有跡之可書閱閱既深體望滋茂爰躋卿寺留貳秩宗奉珪與璋展矣禮容聲樂之器匪朝伊夕肅然寅清絜白之心考資望以孰先在廟朝而惟允乃以覃恩授具階於戲礪若多節表廣廈之棟梁居然雅音中清廟之琴瑟惟不器斯所以爲君子惟大受斯不可以小知爾尚欽哉服乃休命

繼妻呂氏加贈恭人

制曰詩云有齊季女爲說者以謂美其少而能

敬也而周南之化在焉令吾名卿身居禮樂之地而家有齊敬之德采蘋之云豈不信哉具官某繼妻某氏出自德門敎成師氏珩璜琚瑀具有禮容酒食祭賓動協內則相在公於夙夜觀退食之委蛇居然惟筐及筥之規蓋亦在朝在朝之助茲加封爲恭人無忘蘋藻之風益茂管彤之德

父國光先贈中憲大夫河南歸德府知府加贈太嘗少卿仍前階

制曰國有百世之計莫先於樹人而家有百年之貽咸本於種德樹人之源流遠其發祥恒始於家而種德之善慶長其元氣必鍾於國我有卿士蔚爲寶臣邇其家風厥有原本累封具官某乃具官某之父天性真淳躬修悃悃本六俗之聯兄弟伙彼昏農自五家以遠間聯賙其難阮仁風扇物桃李之下不言至德感人桴鼓之應如響風規已遠名德滋章皎皎白駒世咸慕逸民於空谷瞻瞻黃髮天不遺壽耆於清朝旋觀燕翼之貽彌想鴻漸之羽是用贈具階官於戲沒而可祭於社斯其人與生而未竟其施宜

有子矣

母柯氏仍前贈

制曰小雅之不作而白華之詩廢也朕深念之今吾有南陔潔白之臣而家有琴瑟違背之感推恩之典豈可後哉爾累封恭人某氏乃具官某之母事夫資敬訓子移忠宿肉異糧洗腆充供于兩世恭大慈小恩勤逮及于一家惟此令妻兼爲壽母迨爾子既升華清選而爾遂弃養高堂羸攜自將尚念菽魚之祭夙夜匍匐懷機杼之規生已播其徽華沒益徵其儀範茲加贈爲恭人於戲再命之恩已便蕃矣三釜之歎有窮已乎

牧齋初學集卷九十二

牧齋初學集卷第九十三

外制三

太僕寺卿吳默授大中大夫

制曰在昔久安長治之世必有骨鯁彊直之臣如鵬珠之解嫌疑若猛鷲之衛藜藿名在海內望及累朝朕用慨然想見其盛具官吳默巍然山立湛然淵停以高文冠冕南宮以素節回翔郎署議易名于典禮則出入陽秋著雅望于璽丞則忠勤夙夜迨納言封駁之日正衆議誼嘷之時職思其居侃然以喉舌爲任義形于色再三上駁正之章將朕師之不驚庶國論于有底此游登乎卿寺猶養責于丘園羽儀滋章蹈道彌固乃以覃恩授具階於戲繼序伊始多難未堪人皆競進于本朝余方求助于在廟如聞風烈尚有典刑毋壹意于卷懷其勉思夫正國欽哉

妻龐氏加贈淑人

制曰夫婦之義備于風人雞鳴有交儼之勤琴瑟有偕老之嘆百爾君子閔焉傷之具官某妻贈宜人某氏少以女士不勤姆師克有令儀作

配君子命之不淑溘矣長終翟弗以朝何以慰縞衣之歎蘋蘩可薦依然與宿草之悲茲加贈爲淑人貴此愍綸詔于幽窆蒐兮不昧尚克享之

繼妻殷氏加贈淑人

制曰朕聞嚶鳴之好莫如友生替履之求不遺故舊夫婦之際二者兼之死生并闊尤足悲也具官某繼妻贈宜人某氏有齊季女來嬪德入修織衽而有儀操井臼而唯謹迨于撫卹已絕哭于陳根以我御窮尚與思于旨畜式觀新恩于象服永言舊事于牛衣茲加贈爲淑人庶幾百年之遺思不與長夜而共盡

祖奎贈大中大夫太僕寺卿

制曰朕休承丕緒盼布湛恩凡我臣僚均茲介福今吾九列之臣里居休沐乃獨請堅辭蔭叙追思祖妣用以錫孝思于無窮風廉恥于有位余嘉乃志著之訓辭吳某乃具官某之祖父慷慨慕義惆悵多奇以任使而長貧雖屢蹟而不悔慨有大志詒于乃孫今爾孫志節歸然覃恩之典猶能楮桂未俗非爾之遺風也與是用贈

具階官於戲率祖以需恩辭榮以教讓傳之舞
典著爲美譚豈不休哉

祖母孫氏贈淑人

制曰詩不云乎孝子不匱求錫爾類夫臣之孝
移于君也婦之孝移于夫也孝之爲德錫類自
天雖在沒世必有譽聞某氏乃具官某之祖母
克謹內行動應閨彝移孝敬于夫家事尊章于
焉老宗族稱孝閨門化之施于孫子資以作忠
令德謁然再世滋大茲特贈爲淑人我有訓辭
表于幽宅崇臺綽楔何以加諸

父鵬先贈奉直大夫禮部祠祭清吏

司員外郎加贈大中大夫太僕寺卿

制曰人才之生原本有自凡志節之茂著必風
氣之先聞如燧于火如鑒于水默喻爲壹非有
使然贈具官某乃具官某之父偶儻負奇修潔
自好孝友急難茹荼蓼而彌甘孤特寡援老遂
蒿而不悔抱遺經而教子引古人以爲師命筆
丹鉛博喻出蟲魚之外矢心白首風期在牖戶
之間爲我蓋臣率由茲訓悵話言之已遠儼儼
範之猶存是用贈具階官非獨示教忠之規用

以爲壹行之表

前母施氏加贈淑人

制曰今吾臣子推恩必及前母揆之典禮無可
考見而先河之祭自葉之恩有攸寄焉凡以教
民厚也贈宜人某氏乃具官某之前母仔肩壹
彝率由圖史拮据荆布閱不逮于春華龜勉歲
時湫已先于朝露幸矣其追思之子乃在所不
知之人蓋簪履之棄捐猶不能遺忘于舊故而
栝樵之戀慕安得有限隔于裏毛茲加贈爲淑
人用以使觀感之人衆著于水木之義

母陳氏加贈淑人

制曰名材之生必俾喬嶂簡珠之蘊不在濔流
旋觀哲父之興必本娠賢之德休有華問在其
沒身贈宜人某氏乃具官某之母秉德靜專結
心貞淑少勤濯概謹婦式于蠶桑長服井春操
家門而荼苦辛勤十指每中夜而篝燈顙顙一
身恒計日而并食嗟相夫之多閔乃教子而有
聞藹然麟趾之風本其仁厚肅矣羔羊之節似
彼安貞我有寵章迺其聖善茲加贈爲淑人惟
此彤管之美傳之無窮庶幾白華之悲釋子有

求

太僕寺添註卿管京營少卿事畢自
嚴授大中大夫

制曰朕嗣守丕構瞻顧封疆每思折衝之臣稱
吾臨遣之寄具有文武大略久著行閒邊塞威
名暫居卿寺者朕之錫命豈有愛焉具官某質
性廉直姿材敏明自理官而陟水曹載膺民譽
歷臬藩而推卓異三奉璽書遽入西陲益騰宿
望山川諳習撫長城凜隴於聚米之餘種落畏
懷臥羌羊胡馬於儲胥之內圖像競傳于板屋
萬帳知名軍容留鎮于竝邊諸戎喘指乃登九
列作我僕臣秉心塞淵允叶元年之頒錫馬蕃
庶正當晝日之時式伸眷倚之懷事有便蕃之
命乃以覃恩授具階於戲王師在野賊星未平
當爾釋干戈參廊廟之際是吾聞鼓鼙思將帥
之秋我馬斯臧既有聞于卿月在師中吉且上
應乎將星爾往欽哉朕有後命

妻胡氏仍前封

制曰人臣之任閒外也猶女子之任閒內也古
之卽戎者曰內政無出外政無人則寢門之業

豈不亦有助於疆場乎具官某妻累封淑人某
氏溫恭叶德離肅爲儀佐誦讀于寒窻相高寒
于膳仕爾夫子馳驅秦晉敷歷邊陲而爾能寄
軍令于向屏風清鈴索親女工于織薄氣震鼓
將曰惟女能相在爾室茲仍封爲淑人爾夫子
有師中之寄爾之仗助于閒內者將與肅公俱
奏可不懋哉

祖忠臣先贈中大夫陝西布政使司
右叅政加贈大中大夫太僕寺添註
卿管京營事少卿

制曰古之有鼎銘也以稱揚其先祖之美而著
之後世則夫子孫之有勲德而追美其先自義
率祖亦禮之經也贈具官某乃具官某之祖父
精金未銘良王不琢馴行孝謹家傳潄滌之風
根本農桑手創詩書之業睠于卿士惟爾聞孫
于公之門已高歸然綽綽畢萬之後必大蔚矣
雲仍是用加贈具階官酬而勛後之勞示我流
先之報

祖母王氏仍前贈

制曰詩不云乎烝畀祖妣以洽百禮王者所以

事其先也。今吾大寮亦得用此推恩之典。所謂自上而下者。與贈淑人某氏具官某之祖母頌圖。叶德賓祭飭躬風雨。醴耕具有家人之禮法。晨桑剝業。用培絃誦之本源。偕老難見于百年。餘慶有光于奕世。茲仍贈爲淑人。尚思介福于王母。無忘僇力于冲人。

父木先贈陝西布政使司右叅政加贈大中大夫太僕寺添註卿管京營事少卿

制曰士抱遺經于一室。讀出車撻伐經營告成之詩。豈不願于身親見之手。已不得而得之。其子有志之士。爲之默舉焉。累贈具官某乃具官某之父。學窺墳典。行應範模。飲水盡歡。孺慕有聞于白首。舉火市義好施。不問乎黃金肆。有後人繼其大志。虎鈴祕卷。發揮篋笥之書。龍塞宣猷。茂著揣摩之略。是用加贈具階官節鎮方新于臨遣威靈默贊其折衝。

母劉氏仍前贈

制曰古之賢母望倚門而辭伏劔者。無不教其子以作忠也。爲吾首公之臣弘濟時艱。所以慰

其母于冥冥者。豈有窮哉。累贈淑人某氏乃具官某之母。珩璜載德。蘋藻揚芬。昭婦道于組紃。著母勤于辟績。服官滋久。告誠彌新。紀塞馳驅已斷許身之志。憂時忼慨。常懷恤綽之忠。瞻我寶臣。率茲慈訓。茲仍贈爲淑人。慰爾栝樁之慕。釋吾鼙鼓之思。

管理直隸天津至山海關等處屯田安插遼民事務太僕寺卿兼河南道監察御史董應舉授中大夫

制曰爲國以得人爲急。人臣以憂國爲先。今吾瞻顧多艱。緬懷共濟。而國有臨事之使。之慮人無急病。諫夷之思。朕是用聽鼓鼙而咨嗟在朝。廟而嘆息。肆我卿士。猶有人焉。具官董應舉既直且溫。亦彊而義。以通達世務爲學。以奉公體國爲心。自擢銓曹。以歷卿寺。回翔滋久。風操愈修。乃者狡夷不廷。東隅失守。追惟桑土綢繆之策。可謂蚤見。而先憂屬當烽火震驚之時。遂能奮身而抗議。朕不忘收復乃眷。忠勤欲試其折衝之能。先付以屯牧之寄。爾受命往矣。乃以覃恩授具階於戲撫生齒。而念版章遼人。固吾人